

## Covid-19/9 – Infurmaziuns dals 12 da matg 2020

---

### 1. Proceduras da qualificaziun 2020

#### Appel a las organisaziuns naziunales dal mund da lavur (OdML)

Resuns dals chantuns mussan che las personas responsablas per la furmaziun da las OdML chantunales u regiunales sco er las organisaziuns d'examen n'èn betg adina infurmadas optimalmain en intginas professiuns. Il gremi directiv «Furmaziun professiunala 2030» supplitgescha perquai las OdML naziunales d'infurmar lur OdML chantunales u regiunales al lieu davart il stadi actual da la situaziun. Impurtant è cunzunt che las personas responsablas al lieu sappian tge varianta d'examen che la OdML naziunala ha tschernì (examen practic [varianta 1 / 2] u giudicament tras il manaschi d'emprendissadi [varianta 3 cun rasters da valitaziun]) u sch'i dat eventualmain divergenzas chantunales. En collavuraziun cun las organisaziuns d'examen responsablas ston las OdML chantunales u regiunales procurar ch'ils manaschis d'emprendissadi sappian, tenor tge varianta che lur emprendistas ed emprendists vegnan examinads en la procedura da qualificaziun 2020.

#### Varianta 3 – rasters da valitaziun

Per la varianta 3 dastgan ils manaschis d'emprendissadi emplenir mo il raster da valitaziun actual che vegn tramess da l'organisaziun d'examen, e quai pir a partir dal 1. da zercladur 2020. Las organisaziuns d'examen responsablas chattan tut las ulteriuras infurmaziuns davart la preparaziun, la spediiziun, la realisaziun e la ramassada dals resultats sin la pagina d'internet [qv.berufsbildung.ch](http://qv.berufsbildung.ch) sut QV 2020 – Umsetzung Variante 3 resp. Freigegebene Bewertungsraster (a partir dals 15 da matg 2020).

### 2. Centers da curs intermanaschials (Ci)

Dapi ils 11 da matg 2020 pon centers Ci, che porschan scolaziuns praticas en lavuratori, puspè agir tenor il manaschi regular senza limitaziun dal dumber da participantas e participants, sche las mesiras da protecziun vegnan observadas.

L'instrucziun da preschientscha en localitads da scola vischinas è limitada er vinavant a tschintg personas. Curs intermanaschials che vegnan purschids en stanzas da scola ed en l'instrucziun da preschientscha èn exceptads da las schluccadas. Là vala anc adina la limita da tschintg personas. Quests curs intermanaschials dastgan vegnir purschids en moda regulara senza restricziuns – pre-visitlamain – pir a partir dals 8 da zercladur 2020.

Impurtant è ch'i saja avant maun in concept da protecziun e che quel vegnia observà, cur ch'il manaschi regular vegn recumenzà. En cas d'ina eventuala controlla sto il concept da protecziun esser avant maun e vegnir realisà. In agid per far ils concepts da protecziun èn ils models da concepts da la branscha e da l'Uffizi federal da sanadad publica UFSP. Mintga instituziun dovra in concept da protecziun ch'è adattà a sias circumstanzas al lieu.

[Infurmaziuns: Las explicaziuns correspundentas davart l'Ordinaziun 2 davart COVID-19, valaivla a partir dals 11 da matg 2020, sco er il model dal concept da protecziun stattan a disposiziun sin la pagina d'internet dal UFSP.](#)

## **Task force «Perspectiva emprendissadi 2020»**

Er sut las cundiziuns difficilas actualas vul la Confederaziun procurar che uschè blers giuvenils sco pussaivel chattian ina piazza d'emprendissadi per il cumenzament d'avust 2020. A medem temp duain ils manaschis d'emprendissadi occupar lur plazzas d'emprendissadi libras per uschia cuvrir lur basegn futur da personas spezializadas qualifitgadas.

Per quest intent ha il cusseglier federal Guy Parmelin incumbensà il Secretariat da stadi per furmaziun, retschertga ed innovaziun SEFRI da nominar per in temp limità, vul dir fin la fin da l'onn 2020, ina task force «Perspectiva emprendissadi 2020». Areguard il personal corresponda la task force al gremi directiv «Furmaziun professiunala 2030». Quel integrescha ils circuls pertutgads en las lavurs.

Il SEFRI infurmescha regularmain davart la situaziun actuala sin il martgà da plazzas d'emprendissadi. Per quest intent sa basa el sin differentas funtaunas d'infurmaziun. Il project naziunal da perscrutaziun «Puls da las plazzas d'emprendissadi» eruescha, tge consequenzas che la pandemia da COVID-19 ha per ils emprendissadis, per ils manaschis d'emprendissadi e per ils giuvenils en Svizra. Las OdML vegnan supplitgadas da motivar lur manaschis d'emprendissadi da sa participar a las enquistas mensilas sut [www.lehrstellenpuls.ch](http://www.lehrstellenpuls.ch).

## **Contacts**

### **Infurmaziuns dals partenaris da collavuraziun davart corona**

<https://berufsbildung2030.ch/de/neues-coronavirus-und-die-berufsbildung-in-der-schweiz>

### **Posts da contact ed ulteriuras infurmaziuns**

- Per ils manaschis d'emprendissadi, per ils centers Ci e per las scolas professiunalas spezializadas è il post da contact anc adina l'[uffizi chantunal da furmaziun professiunala](#).
- Per purtaders naziunals da la furmaziun fundamentala professiunala e da la furmaziun professiunala superiura è cumpetent il [SEFRI](#). Dumondas davart la realisaziun da las proceduras da qualificaziun 2020 en la furmaziun fundamentala professiunala ston vegnir drizzadas a l'adressa dad e-mail [qv2020@sdbb.ch](mailto:qv2020@sdbb.ch). Giavischs spezial pon er vegnir inoltrads a las federaziuns da tetg naziunalas. Las dumondas las pli impurtantas èn ultra da quai cumpiladas en ina [glista FAQ](#).
- Las emprendistas ed ils emprendists sa drizzan a lur manaschi d'emprendissadi, a lur scola u a lur uffizi chantunal per la furmaziun professiunala.

### **Gremi directiv e gruppas da lavur**

Las acturas ed ils acturs da la furmaziun professiunala vegnan supplitgads da sa drizzar mintgamai a las represchentantas ed als represchentants da lur organisaziun resp. da la represchentanza chantunala.

### **Adressatas ed adressats**

- chantuns (uffizis da furmaziun professiunala)
- scolas professiunalas spezializadas e lavuratori d'emprendissadi (via chantuns)
- maisa radunda da las scolas professiunalas (via CSFP)
- manaschis d'emprendissadi (via chantuns)
- centers da curs intermanaschials (Ci) (via chantuns)
- purtaders da la furmaziun fundamentala professiunala e da la furmaziun professiunala superiura (via SEFRI e federaziuns da tetg)
- scolas spezializadas superiuras (via SEFRI e Conferenza SSS)